

DÁITHÍ
Ó SÉ

Thugas an tseachtain ar fad suite ar an gclai - táimid cóngarach do theorainn Chontae an Chláir agus leis seo tagann bean an tí agus a sliocht ón gcontae céanna agus le cur leis sin arís tháinig a muintir abhaile ó New Jersey do chluiche an Domhnaigh.

Tig lán mar sin agus cad é caint ar an gcluiche agus gach aon rud a chuaigh leis. Bhuel bhíomar suite ag ól tae tráthnóna amháin agus chuir an fear beag ceist orm an mbeinn ag béicigh do Chorcaigh - canataobh arsa mise, mar go mbím ag obair ann?

Ní hé, a dúirt sé, mar dheineadar Corcaíoch onórach duit i rith na bliana. Dheineamar ar fad gáire, ach is cuimhin liom a bheith ag an ócáid bronnta san earrach agus dúirt le muintir Chorcaí dá mbeadh an Ghaillimh imithe as an gcaobh iomána go mbeinn sásta béicigh dos na Reibiliúnaigh. Sea, bhíos greamaithe idir dhá stól!

Ní hé go dtiteas ón stól sin, ach thiteas agus ghortaíos mo chos agus ní raibh fonn orm taisteal ar an nDomhnach agus leis sin bhí ganntanas ticéadaí timpeall agus thugas mo cheannsa go dtí máthair mo chéile, ní dhéanfaidh sí dearúd air sin le cúnamh Dé.

Mar sin den gcéad uair an tseachtain ar fad bhí an tig

agam dom fhéin. Ní raibh an cluiche ach tosnaíthe agus bhíos ag rá liom fhéin go raibh sé ceart agam dul ach le bheith firinneach dheineas an rud ceart, bead ann an tseachtain seo chugainn don gcaid.

Bhíos chomh sásta go raibh tuismitheoirí bhean an tí sa bhaile don ócáid. Cé go bhfuil an CLG ana-láidir timpeall orthu in New Jersey i gcónaí, deinim dearúd cé chomh héasca is atá sé dúinne dul go hócáidí mar seo - agus dóibh siúd go mórmhór ní hé buachaint ná cailliúint is tábhachtaí ach a bheith ann a bheith in Éirinn agus le chéile.

Sin ceann dos na rudai speisialta mar gheall ar lá mar seo agus beidh lá eile mar seo ann Dé Domhnaigh seo chugainn chomh maith.

Nuair a chuimhníonn tú siar air agus na daoine ar fad a chuaigh thar lear síos tríd na blianta agus ná raibh in ann teacht abhaile in aon chor gan trácht ar theacht abhaile do chluiche

FOCLÓIRÍN

ganntanas: scarcity
toig: sofa

iomána nó caide.

Tá daoine eile fós i Meiriceá agus an t-airgead acu ach faraor má fhágann siad ní bheidh cead acu dul thar n-ais.

Sin cuid dos na cuimhní a théann trí mo cheann ar lá mar sin. Is cuimhin liom chomh maith a bheith i Chicago bliain amháin don gcluiche ceannais agus bhíomar ar fad bailithe sa phub ag féachaint ar an gcluiche, ócáid iontach eile, ní tharlaíonn sé seo chomh minic na laethanta seo mar go bhfuil na cluichí sa bhaile ag daoine i dtíortha eile.


Sé an trua mar tugann sé pobal le chéile. Sin ráite is dóigh liom go dtagann daoine le chéile dos na cluichí móra i gcónaí agus is maith liom é sin. Ní gá dom a rá libh cé chomh sásta agus a bhí mo chriú nuair a thánadar abhaile. Beidh siad ag caint air go dtí an Nollaig agus ina dhiaidh agus sin is ceart.

Ócáid thar aon ócáid eile a dúradar a bhí ann agus ó bheith ag féachaint air sa bhaile agus mé greamaithe don dtolg, bhí an ceart acu.

An cheist mhór anois, cé a bhuafaidh ar an nDomhnach?

Comhscór agus am breise?

An Clár nó Corcaigh? Den chéad uair bhíos greamaithe idir dhá stól!



An Bord Pleanála

Achtanna na mBóithre 1993 go 2015
Na hAchtanna um Pleanáil agus Forbairt 2000 go 2022

ABP-317121-23

Fógra faoi chinneadh de chuid an Bhoird Phleanála maidir le Scéim Chroi-Lána Bus ó Sord go Lár na Cathrach, iad araon i gContae Bhaile Átha Cliath.

Rinne an Bord Pleanála ordú, an 19 Meitheamh, 2024, i bhfeidhmiú na gcumhachtaí atá dílsithe dó le halt 51 d'Acht na mBóithre, 1993, chun an bóthar beartaithe mar a chuir an tÚdarás Náisiúnta Iompair isteach é, a cheadú faoi réir coinníollacha.

Seo a leanas a choinníollacha chinneadh an Bhoird:

- Déanfar agus críochnófar an fhorbairt bóthair de réir na bpleananna agus na sonraí a taisceadh leis an iarratas, ach amháin nuair is gá a mhalairt chun na coinníollacha seo a leanas a chomhlíonadh.
- (a) Cuirfear i bhfeidhm go hiomlán gach gealltanais maolaithe agus comhshaoil a shainithnítear sa Ráiteas Tionchair Natura mar chuid den fhorbairt atá beartaithe.
(b) Déanfar na bearta maolaithe, na gealltanais chomhshaoil agus na bearta monatóireachta go léir a shainithnítear sa Tuarascáil ar an Measúnú Tionchair Timpeallachta (TMTT) a chur chun feidhme go hiomlán mar chuid den fhorbairt atá beartaithe.
- Ceapfaidh an conraitheoir éiceolaí. I gcás inar cuí, déanfaidh speisialtóirí faireachán. Áireofar sceidil mhonatóireachta sna Ráitis Sainláithreáin um Chosaint Ghnáthóga agus um Modh Athchuir.
- Aontóidh an forbróir i scríbhinn le Comhairle Contae Fhine Gall go n-éascófar pointe ceangail den scéim bheartaithe ag Nascbhóthar Bhaile an Fhóraistéaraigh.
- Aontóidh an forbróir i scríbhinn le Comhairle Cathrach Bhaile Átha Cliath straitéis tirdhreachaithe don lárstráice díreach lastuaidh de Bhóthar Richmond.
- Aontóidh an forbróir i scríbhinn le Comhairle Cathrach Bhaile Átha Cliath na sonraí maidir leis an gcineál bailchríocha/ábhar don droichead coisithe/rotháiochta atá beartaithe in aice le Droichead Frank Flood.
- Aontóidh an forbróir i scríbhinn le Comhairle Contae Fhine Gall comharthaíocht/rialuithe cuí ar an raon rothar/cosán ó dheas díreach ó dheas ón Coachman's Inn chun foláireamh a thabhairt do rothaithe nach mór trasnú go dtí an taobh thiar den charbhealach le bheith in ann dul ar aghaidh ó dheas ar an déraon rothar atá beartaithe.
- Déanfar suíomh deiridh na seastán páirceála rothar ar fud na scéime a chomhaontú i scríbhinn leis an údarás áitiúil faoi seach.
- Aontóidh an forbróir i scríbhinn leis an údarás pleanála faoi seach sonraí dhearadh agus leagan amach beacht na n-áiseanna trasnaithe do choisithe thar raonta rothar ag stadanna bus ar oileáin ar bhonn cáis.
- Cuirfidh an forbróir Plean Bainistíochta Trácht Tógála agus Plean Bainistíochta Soghluaisteachta do Chéim na Tógála isteach le haghaidh na céime tógála den fhorbairt le comhaontú scríofa a fháil ón údarás pleanála.
- Déanfaidh Speialtóir Caomhnaithe Ailtireachta monatóireacht agus taifead ar gach obair ar Struchtúir Chosanta, agus ar struchtúir is díol spéise don oidhreacht chultúrtha, cuirfear Ráitis um Modh Athchuir faoi bhráid an údarais phleanála lena gcoinneáil i gcomhad.
- Déanfaidh an forbróir monatóireacht ar thorann le linn chéim thógála na forbartha bóthair atá beartaithe.
- Comhlíonfaidh socruithe draenála ceanglais an údarais phleanála ábhartha maidir le hoibreacha den sórt sin i gcéimeanna tógála agus oibriúcháin araon na forbartha atá beartaithe.
- Tógfar aon éaluithe uisce dromchla nua nó feabhsaithe ar bhealach a chosnóidh gnáthóg bhruachánach ionas nach dtarlóidh ró-chreimeadh i ngnáthóg den sórt sin dá bharr.
- Ullmhóidh an forbróir, i gcomhairle leis na gníomhaireachtaí reachtúla ábhartha, Plean Bainistíochta Timpeallachta Tógála nuashonraithe.
- Déanfaidh an forbróir monatóireacht ar am scuaine / moilleanna ag gach láthair oibreacha ar an R107 agus taifeadfaidh sé sreafaí tráchta ar an ngréasán bóithre áitiúla ag láithreacha a aontófar leis an údarás pleanála.
- Sula n-athchuirfear crainn, fála agus plandú atá le baint, beidh an tÚdarás Náisiúnta Iompair i dteagmháil leis an úinéir talún ábhartha maidir le speicis, méid agus suíomh gach fásra athchuir.
- Cuirfear bearta cosanta crann i bhfeidhm do gach crann atá ann cheana féin.
- Cuirfear sonraí cuimsitheacha faoin soilsiú poiblí chun freastal ar an scéim atá beartaithe faoi bhráid an údarais phleanála agus aontófar iad i scríbhinn leo.
- Éascóidh an forbróir caomhnú, taifeadadh, taifeadadh agus cosaint gnéithe nó ábhair sheandálaíochta a d'fhéadfadh a bheith laistigh den láithreán. Déanfaidh an forbróir:
 - seandálaí a fhostú a dhéanfaidh faireachán ar gach imscrúdú láithreáin agus oibreacha tochailte eile, agus,
 - socruithe a dhéanamh chun aon ábhar sheandálaíochta is cuí leis an údarás a bhaint a thaifeadadh agus a thabhairt ar shiúl.
- Cuirfidh an forbróir Plean Bainistíochta Speicis Ionracha faoi bhráid an údarais phleanála, ina mbeidh sonraí de shuirbhé réamhthógála atá le déanamh.
- (a) Scrúdófar na crainn atá le leagan sula leagtar agus scríosfar iad le fáil amach an bhfuil farai ialtóg iontu.
(b) Ní dhéanfar aon ghlanadh talún agus ní ghlanfar aon fhásra idir 1 Márta agus 31 Lúnasa, mura gcomhaontófar a mhalairt leis an údarás pleanála.

Gheofar téacs iomlán chinneadh an Bhoird, lena n-áirítear coinníollacha, ar láithreán Gréasáin an Bhoird ag <https://www.pleanala.ie/en-ie/case/317121>. Beidh cóip de chinneadh an Bhoird agus an TMTT ar fáil lena scrúdú ag oifigí an Údarais Náisiúnta Iompair le linn uaireanta oifige ar laethanta oibre ar feadh tréimhse 8 seachtaine ag tosú ar dháta foilsithe an fhógra seo.

Féadfaidh duine ar bith ceist a chur faoina bhaill atá cinneadh de chuid an Bhoird i bhfoirm athbhreithniú breithiúnach, faoi Ordú 84 de Rialacha na Cúirte Uachtaraí (I.R. Uimh. 15 de 1986), de réir alt 50 den Acht um Pleanáil agus Forbairt, 2000 (leasaithe).

Gheofar eolas praiticiúil ar mhodh an athbhreithnithe faoin gceannuideal Fógraí Dlíthiúla - Fógra faoi Athbhreithniú Breithiúnach ar láithreán gréasáin an Bhoird www.pleanala.ie nó ar láithreán gréasáin na Seirbhíse Eolais do Shaoránaigh www.citizensinformation.ie.

Dáta an fhoilsithe: Dé Céadaoin, 24 Iúil 2024.



An bua:
Captaen an Chláir Tony Kelly le Corn Mhic Cárthaigh Dé Domhnaigh